



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De ambulatione animæ puræ cum Deo. VII.

[urn:nbn:de:hbz:466:1-45790](#)

maximus est. Nil tibi paruum nec vile esse debet, quod altissimus tibi ex gratia liberè præstat. Non querit Deus aliquid magis, quam ut gratis ametur, & omnis offensa caneat, atque gratitudine semper & ubique ei reddatur.

2. Magnus coram Deo est, qui se ex vera humilitate spernit & substernit; & omnibus bonis & beneficijs indignum se iudicat; nec in aliquo bono vanè exultat, nec laudem concupiscit. Maior tamen ille, qui sicut Job percussum, contemptus, conuiciatus, de-pauperatus, neglectus, tentatus, afflictus, derisus, & confusus gratias agit, latetur & benedicit: & omnia grauamina & exilia sibi contingentia pro maximis lucris computat, & propter Deum sustinet, & conqueri cessat.

3. Beatus qui virgam doloris, sicut Job, de manu Dei piè accipit, & totaliter voluntati diuinæ se offert & committit. Beatus, qui hoc semper querit & eligit, quod Deo magis placet, & pro delicijs vilia capit: & Iesus latior manet, & damnum temporale animæ lucrum reputat.

CAPVT VI.

De conformitate animæ deuotæ cum crucifixo.

1. **C**um ipso sum in tribulatione. Quid est hoc Domine? Expone mihi verbum istud, quod dixisti, aperi sensum huius versiculi pro solatio servi tui. Audi fili. Quando es in tribulatione & cordis moerore, tunc es cum Iesu in cruce. Et quando iterum consolaris in devotione, & delectaris in hymnis & canticis diuinis, tunc resurgis cum Iesu in nouitate spiritus: & quasi à mortuis suscitaris de sepulchro, alleluia latè canendo.

2. Cum autem flexibus genibus oras pro peccatis tuis, & intimè doles & ploras, tunc duris ictibus ante portam cœli pullas. Cum verò omnia terrena iam negligis, & sola caelestia intus meditaris, tunc cum Iesu ad calum pergis, & angelis sociaris. Esto ergo misericordia, humili & patiens, in omni euentu & infirmitate irruente super te propter Deum; & porta crucem tuam patienter cum Iesu, moriendo quotidie in cruce, pro æternâ salute tua; quia omnis afflictio carnis patienter tolerata, medicina est animæ & satisfactio pro peccatis, & spes futuræ beatitudinis & gloriæ. Amen.

CAPVT VII.

De ambulatione animæ puræ cum Deo.

1. **A**mbulate dum lucem habetis. Ille ambulat cum Deo in luce, qui nil cupit de hoc mundo habere, sed habet cor suū fixum Ioan. 12.
ad

ad Deum in cœlo. Nam ibi est thesaurus animæ absconditus. Dominus Iesus Christus, in quo omnia bona continentur. Semper misericordia est & eget, quicquid habet, qui Deum amicum non habet. Ille Deum habet, qui eum amat, & sermonem eius seruat.

2. Ille verbum Dei bene seruat, qui otiosum verbum nunquam profert; qui opere ostendit, quod ore prædicat; qui propriam gloriam non querit, sed omnia bona quæ facit, & in alijs videt puram ad gloriam Dei refert. Qui autem sibi placet, stulto placet, & Deo displacebit. Ideo in omnibus bonis quæ agis & dicis, Deo placere studeas, ut ampliora bona ab eo recipias. De bonis nature quid gloriari, cum sis mortalis à vermis mox rodendus? Audifensem iuuenis: Recipe te à rebus te distrahentibus: quia requiem non inuenies, nisi ad cor tuum redeas, & Deum super omnia bona queras, & intime diligas.

CAPVT VIII.

De pace cordis & quiete in Deo.

Psal. 75.

1. IN pace factus est locus eius. Quis est in bona pace? Qui mitis est & humilis corde. Quare vis scire de statu aliorum, qualiter sit cum eis, & te ipsum negligis in multis? Ecce, qui melius sentit humiliare & pati propter Deum, hic melius est in pace. Huius onus fit leue, propter Deum quem habet in corde. Beatus, qui loquitur cum Deo orando, meditando, cantando, legendo; & de alienis tacet, quæ sunt in mundo. Vbi cumque es, & transis, vel fugis, cogitatio tua tecum transit. Bona meditatio lassificat, mala contristat. Ira perturbat, inuidia excæcat, odium necat. Deuota lectio instruit, oratio accedit, operatio verbum implet.

2. Sermo sanctus corda mundat, vanus maculat, otiosus scandalizat, durus grauat, pius placat, moralis ædificat, historialis fidem confirmat, cœlestis ad æthera levat. Munda ergo cor tuum ab omni malitia, & eris in bona pace. Non est pax bona, nisi in Deo & cum virtuoso, qui omnia bene agit propter Deum, quem diligit. Mane in silentio, & sustine modicum propter Deum, & ipse liberabit te ab omni onere & inquietudine. Beata vita & bona conscientia dât fiduciam ad Deum in tribulatione, & in morte; mala autem conscientia semper est in timore & in lite: Iracundus citò cadit, de uno malo in aliud peius. Patiens & mitis de hoste facit amicum, & Deum inueniet sibi semper propitium, propter pietatem erga peccantem.

CAPVT

